



Radio Waldrand

Radio Waldrand!
mer spilled mitenand
Radio Waldrand!
isch im ganze Wald bekannt

Jippi, jetzt goht's los, chömed Jäger, alli anecho
Juchu!
Üsri Jägerstube, die isch s' Radiostudio
Ge-nau!
Mir sind hüt s' Radio für d' Lüt und Tier im Wald
Aso i find...
üs lost de Samichlaus und au de Wurzelbald
Da ischn Zwerg!

Öb Viech oder Zwerg, öb Jäger oder Chind
Alli freued sich, wenn mir uf Sendig sind!

Radio Waldrand!
mer spilled mitenand
Radio Waldrand!
Jo do ghörsch allerhand

Ich mach de, wo immer redt, will ich das super cha
Und ich mach...
und die Tierrätsel-Sendig chönnti doch de Tombär ha
Aha!
De Bärechrüseler bringt d' Meldige vom Verchehr
Wieso nöd i?
Und uf d' Chochsendig, da freu ich mi scho sehr
Mach du die / Juhel!

will mer als Jagdkapelle, d' Musig selber spille chönd
Freued sich all, wenn mer uf Sendig gönd

Radio Waldrand!
mer spilled mitenand
Radio Waldrand!
Da macht me d' Musig no vo Hand

Am Supertreffer sini Sätz, die sind churz und chli
lost eigch niemert uf mi?!
Jo, drum wör ich am Beschte Werbigredner si
Genau!
scho hend mir alles, was es brucht für's Radio
Nei!
Nur de Ratzfatz brucht no öppis, denn chas voll losgoh

De Ratz, de chönt jo üs de Kafi bringe
Ich chan aber guet rede und schön singe
Also guet, denn redtsch mit mir zwüscheddri
Und! – Ich will de Wetterbricht si!

...Ok. Waidmann's olé!

Radio Waldrand!
Radio Waldrand!
mer spilled mitenand
Radio Waldrand!
das isch total intressant

Radio Waldrand!
mer spilled mitenand
Radio Waldrand!
isch im ganze Wald bekannt

Radio Waldrand!

Jo denn

Min Bapi de raucht Zigarette und er seit,
das isch gar nöd gsund und e rise Dummheit
Rauche segi schlecht, au für mich, für mich-
aber er raucht glich

Mis Mami schlürft de ganz Tag Kafi und seit bö
Das isch gar nöd gsund und es macht eim nur nervös
Kafi segi schlecht, au für mich, für mich-
Aber s' Mami - käfälat glich

Jo denn, jo denn,
Brünzli mol is Wasser dri
Jo wenn, jo wenn, jo wenn
Ich s' nösch mol i de Badi bi

Das sött me glaubi nöd
Will's grusig isch für Dich und mich!
Aber ich machs glich! Ha!

Mini Schwöschter esst gem Schoggi und si seit
Das isch gar nöd guet und macht eim tick und breit
Zucker seg nöd gsund, au für mich, au für mich-
Aber si esst d' Schoggi glich

Min Götti chunnt all mit em Auto und er fint
Auto sind ganz schlecht für, d' Luft und au für d' Chind
Mä mös für d' Welt chli luege und nöd nur für sich
Aber er brucht s' Auto glich

Jo denn, jo denn,
Brünzli mol is Wasser dri
Jo wenn, jo wenn, jo wenn
Ich s' nösch mol i de Badi bi

Das sött me glaubi nöd
Will's grusig isch für Dich und mich!
Aber ich machs glich! Ha!

Min Opa trinkt so Schnäpsli noch em Znacht und glaubt
Das isch gar nöd gsund will's eim nur s' Hirn verstaubt
Schnäpsli sägad schlecht für en, und au für mich
Aber er schnä-psläät glich!

Jo denn, jo denn,
Brünzli mol is Wasser dri
Jo wenn, jo wenn, jo wenn
Ich s' nösch mol i de Badi bi

Juhel, es regnet

Rägä-Rägätröpfli,
äs rägnat uf mis Chopfli
wenn's rägnat gönd mir au in Wald
will's üs veruss am beschte gfallt
mir legäd d' Rägäjagge a
und tüend a d' Füess zwei Stiefel dra

Mir wönd alli singe
im Rägä umespringe:
Juhui! Juhel! Es chan noch gar nüt schönners ge!
Juhui! Juhel! Es rägnat immer meh!

Rägä-Rägätröpfli
Jetzt isch es nass, mis Chöpfli
Es ragnet scho sit zwei dri Stund
Und wenn jetzt nöd bald d' Sunne chunnt
denn tropftz in Znüni, jesses nei
mis Brötli das isch jetz scho Brei

Mir tüend alli singe
im Rägä umespringe:
Juhui! Juhel! Es chan noch gar nüt schönners ge!
Juhui! Juhel! Es rägnat immer meh!

Rägä-Rägätröpfli
bi nöd nur nass am Chöpfli
Jetzt laufs mir scho in Stifel dri
Und d' Unzgi chläbet au chli
Alls versinkt im Rägämeer
ich merk, de Rägä nervt mi sehr

Mir müend alli singe
im Rägä umespringe:
Juhui! Juhel! Es chan noch gar nüt schönners ge!
Juhui! Juhel! Es schiffet immer meh!

Juhui! Juhel! Es chan noch gar nüt schönners ge!
Juhui! Juhel! Es schiffet immer meh!



Seichhörnli

Seich!
Seich!
S'Ei-ei-ei-ei-s'Seichhörnli
Macht Sei-ei-eich und (s') nervt echli
S'Ei-ei-ei-ei-s'Seichhörnli
Macht Strei-ei-eich und will debi
nur luschtig si

Seichhörnli huschet schnell wie de Blitz
Dur de Fichtewald über d'Tannespitz
Uf de Suechi noch 'me glatte Streich
Chunt's uf eimol zum 'ne chline Teich

Im Teich döt schwimmt e Wildsau
Am Ufer liht es Fell
E füdliblutti Sau im Teich
das schmöckt chli noch 'me Streich

für's Ei-ei-ei-ei-s'Seichhörnli
Macht Sei-ei-eich und lacht echli

Seichhörnli zücht am eigene Fell
De Rüsverschluss abe und denn goht's ganz schnell
Es tüşchlet flink sin Seichhörnlipelz
Mit em Wildsaufell und haut ab i s'Ghölz

I mues grad echli lache
Wenn i die Gschicht verzell
Und mir's bim Singe vorstell
Was jetzt denn grad passiert, well

S' Eich- Eich- Eich, s'Seichhörnli
Macht Sei-ei-eich und s'nervt echli

Seichhörnli het me sit dem Streich
Niene me gseh i de Nöchi vom Teich
Nume de Rehbock rüeft: „Ich träum,

e Wildsauhörnli huschet über d'Bäum“!

Denn ghört er öppis grunze
us de Büsch, es schnuoft und chrätzt
s'gseht us, als wär's e Seichhörnli
wo vill z'dick isch und fascht verplatzt

S'Ei-ei-ei-ei-s'Seichhörnli
Macht Sei-ei-eich und nervt sich chli
S'Ei-ei-ei-ei-s'Seichhörnli
Isch im Sei-ei-eich und hät debi
Nur welle luschtig si

Sackmesser-Lied

I singe vo mim Messer
Mit dem goht alles besser
Und wenn ich's will „zack-zack“
Denn hol ich's us em Hosesack

Ich han ä Klinge a mim Messer i mim Sack (zack-zack)
Ich han ä Klinge a mim Messer i mim Sack
Ich han ä Klinge a mim Messer, han ä Klinge a mim Messer
Han ä Klinge a mim Messer i mim Sack

Ich han e Sägi a mim Messer i mim Sack (ritsch-ratsch,
zack-zack)
Ich han e Sägi a mim Messer i mim Sack
Ich han e Sägi a mim Messer, han e Sägi a mim Messer
han e Sägi a mim Messer i mim Sack

I singe vo de Klinge
Die hanget an're Schlinge
Und d'Schlinge hangt am Gurt
I gang nie ohni Sacki furt

Ich han e Aale a mim Messer i mim Sack (Pieks-Pieks,
ritsch-ratsch, zack-zack)
Ich han e Aale a mim Messer i mim Sack
Ich han e Aale a mim Messer, han e Aale a mim Messer
Han e Aale a mim Messer i mim Sack

Ich han en Zapfezier am Messer i mim Sack (oui-oui,
Pieks-Pieks, ritsch-ratsch, zack-zack)
Ich han en Zapfezier am Messer i mim Sack
Ich han en Zapfezier am Messer, han en Zapfezier am
Messer
Han en Zapfezier am Messer i mim Sack

I singe vo mim Hegel
So ein het jede Flegel
Und d'Meitle schnitzed gern
Vo Schaffhuse bis Luzern

I han es Laserschwert am Messer i mim Sack (how-how,
oui-oui, Pieks-Pieks, ritsch-ratsch, zack-zack)
I han es Laserschwert am Messer i mim Sack
I han es Laserschwert am Messer, han es Laserschwert am
Messer
Han es Laserschwert am Messer i mim Sack

Ich han en Schrubezier am Messer i mim Sack (Hu-Hu,
how-how, oui-oui, Pieks-Pieks, ritsch-ratsch, zack-zack)
Ich han en Schrubezier am Messer i mim Sack
Ich han en Schrubezier am Messer, han en Schrubezier
am Messer
Han es Schrubezier am Messer i mim Sack

I singe vo mim Messer
Mit dem goht alles besser
Und wenn ich's will „zack-zack“
Denn hol ich's us em Hosesack

Helmuet

Im tüüfe, tüüfe Fichtewald
I de höchschte Äscht
Brüelet lis im Obigwind
De Helmuet i sim Nächscht

De Vogel Helmuet höcklet döt
Öb's windet oder schneit
Er hoffet, sit er usgeschlüpft isch
Dass er döt nöd abegheit

Fluug-Angscht, er hät Fluug-Angscht
Er chunnt nie zu sim Näschtli us
er wär so gern en Fisch oder e Muus

Jede Morge, jede Tag
Gohd de Helmuet tüüf i d'Chntü
Lueget, öb er flüge cha
Macht d'Auge zue und zellt bis drü

1...2...3. mmh 1...2...3. mmh 1...2...3. gaht nöd

Jede Morge, jede Tag
Lauft im Näscht de glichig Film
Es fehlt em nöd nur a chli Muet
Em Helmuet fehlt sogär de Helm

Fluug-Angscht, er hät Fluug-Angscht
Er chunnt nie zu sim Näschtli us
er wär so gern en Molch oder e Luus

Da hend d'Tier vom Wald
Zäme tüftlet und denkt
Und em Helmuet en Helm
Zu Wiehnachte gschenkt

Dä leged's em a
Und mached em Muet
Denn gend's em en Schupf
So dass de Helmuet flüüge tuet ...

mit Fluug-Angscht, er flüügt trotz Fluug-Angscht
jetz flüügt er zwor zum Näschtli us
und wär so gern en Schnegg mit Schnegghuus



Dachs Adalbert

De gueti Dachs, de Adalbert, het an're Höhli grabt

Er het grüblet, er het kratzet – und denn macht er schlapp

Do chunnt d'Familie Has dethär und grabt es bitzli mit
De Vatter Has, de seit „mir ziend jetzt i und sind denn quit“

**De Dachs Adalbert, de Dachs Adalbert, de Dachs
Adalbert, de Dachs Adalbert, de seit:**

„i hoff, es git kei Strit“

Die ganz Familie Has und de Dachs hends schöne gha

Do schlicht en chline Fuchs dethär und luegt die Höhli a

Und frögt „chönnt i bi eu iizie, i bring drü Fründe mit“
De Fuchs, de zallt als Itritt sis schimmelige Pommfritt

**De Dachs Adalbert, de Dachs Adalbert, de Dachs
Adalbert, de Dachs Adalbert, de seit:**

„i hoff, es git kei Strit“

Es isch es bitzli eng und schtreng i derä Höhli gsii
Do chunnt de grossi Bär mit sinnre ticke Frau verbi

Und seit: „Jä nei, botztuusig, die Höhli, die isch schnuusig,
mir wöred do gern iizie, will üsri isch chli grusig“

**De Dachs Adalbert, de Dachs Adalbert, de Dachs
Adalbert, de Dachs Adalbert, de seit:**

„pffft...jo...denn chömed ihr hald auno“

„I ha kei Luft me“ rüeft en Has zur Bärefrau, de Trudi
„mmhmmh“ macht de chlini Fuchs, er chlemmt i ihrem
Fudi

Jetzt chlepfst en luute Chlapf und d'Höhli platzt i tuuusig
Teil

Ali Tier die lached und die findets supergei....

De Dachs, de Dachs, de Dachs, de Dachs, de-
De Dachs Adalbert, de Dachs Adalbert, de Dachs
Adalbert, de Dachs Adalbert, de seit:

Jägertschäss

Jägertschäss- Jägertschäss- Jägertschäss- Jägertschäss-
Jägertschäss...

S'git so Musig, die heisst Tschäss
Tschäss, däs findet d'Jäger läss
Tschäss, däs gfallt de Wildsau au

wenn ich –de Supertreffer – voll uf d'Trommle hau

S'git so Musig, die heisst Tschäss
Tschäss däs wie rässa Chäs
De stinkt fescht und isch glich guet
D'Jägertschässer findets lässer wennme tanze tuet

Mir spiled ali gägä ali , spiled was mer wönd
Mir tüend eso, wie wenn mer's chönd
Mached Jägersässtschäss will-mir-gern blöd tönd
Mir tüend eso, will mir nöd andersch chönd!

Tanz, Tombär! Tanz!

S'git so Musig, die heisst Tschäss
Tschäss, däs findet d'Jäger läss
Will do chasch singe, wie Du wotsch
Und do chasch spile, wie Du wotsch
Mit em Muul, mit em Bei, mit de Nase mit em Gsäss
Nüt isch falsch bim Jägertschäss

Mir spiled ali gägä ali , spiled was mer wönd
Mir tüend eso, wie wenn mer's chönd
Mached Jägersässtschäss will-mir-gern blöd tönd
Mir tüend eso, will mir nöd andersch chönd!

Was heisst Gsäss?

Gsäss heisst Fudi

Was heisst Gsäss?

Gsäss heisst Fudi

Was?

Fudi!

Was?

Fudi!

Fudeldidudeldi dap-dap

Gsässschäss

Mir spiled ali gägä ali , spiled was mer wönd
Mir tüend eso, wie wenn mer's chönd
Mached Jägersässtschäss will-mir-gern blöd tönd
Mir tüend eso, will mir nöd andersch chönd!

Älai Stei

I bin en fiine, fiine, fiine, fiine, chline, ticke Stei
I bi hoch vom Berg i dä Wald dri grollt, jetzt bin i do dihei
Ohni mini Stei, bini ganz älai

I bin en fiine, fiine, fiine, fiine, chline, ticke Stei
Nur im Früehlig wachst bi mir es Blüemli und denn sind
mir zwei
Denn bin i nöd älai, ohni mini Stei

I bin en fiine, fiine, fiine, fiine, chline, ticke Stei
Nur im Summer wohnt bi mir en Chäfer und denn sind
mir zwei
Denn bin i nöd elai, ohni mini Stei

I bin en fiine, fiine, fiine, fiine, chline, ticke Stei
Nur im Herbscht, denn wachst bi mir es Pilzli und denn
sind mir zwei
Denn bin i nöd älai, ohni mini Stei

I bin en fiine, fiine, fiine, fiine, chline, ticke Stei
Nur im Winter wachst en Iszapfe und denn sind mir zwei
Denn bin i nöd alai, ohni mini Stei

I bin en fiine, fiine, fiine, fiine, chline, ticke Stei
I bi hoch vom Berg inen Wald dri grollt, jetzt bin i do dihei
I bi nie älai, i bruch kei andri Stei



Schös Lied

Ich wär gern es Lied
Wo d'Chinde all tüend singe
Ich wär gern wunderschön
Verziert mit vill'ne Tön

Ich wär gern es Lied
Wo d'Chinde all tüend singe
Ich wär gern wunderschön
Verziert mit vill'ne Tön

La-la-la-la-la ...

Ich wär gern es Lied
Wo d'Chinde schön tüend finde
Mit Tön mol rot mal blau
Und grüeni gäbtis au

Aber nei! Aber nei! Aber nei!
Mini Tön sind ali hei
Oder irgendwo bim Andrew Bond
S' cha si, das ein i dim Muul wohnt
I dim Chindsgi, im Klavier
Wenn ein findsch, denn schick en zruug zu mir

Ich wär gern äs Lied
Wo d'Chinde luschtig findet
Öb im Chindgi oder Hort
Me lacht bi jedem Wort

La-la-la-la-la ...

Ich wär gern äs Lied
Wo d'Chinde nie vergessed
Mit're lässä Gschicht
Vom'ne Superwicht villicht?

Aber nei! Aber nei! Aber nei!
Mini luschtig Gschicht isch hei
Oder zum Bardill, ach gopf!

Bitte suech mol i dim Chopf
Uf dinn're Gschichtezede
Wenn sie findsch, denn chasch si zruug geh

Radio Waldrand Reprise

Radio Waldrand!
Radio Waldrand!
D'Verschreckjäger mitenand
mer spilled mitenand
spiled alli Radio Waldrand!
Radio Waldrand!
Im ganze Wald bekannt
isch im ganze Wald bekannt

Ja üses Radiospiel, das isch jetze scho vebi
Ojeh!
doch s'chönnt villicht jo üsi neu CD si
Genau!
Zum Glück han ich per Zuefall alles grad ufgnoh
So kuhl?
Und drum sind ali Jäger eifach schüli froh
Juhul!

Obwohl's hüt gschiffet het, hend mir trotzdem ganz vill
glacht
Und zämä e Radiosendig gmacht

Radio Waldrand!
Radio Waldrand!
D'Verschreckjäger mitenand
mer spilled mitenand
spiled alli Radio Waldrand!
Radio Waldrand!
Im ganze Wald bekannt
s'isch alles scho uf Band

d'Sen-dig isch jetzt fertig und mir sägäd tschau
tschau!
Will's e Zede git, do ghöred ihr tis au
Genau!
Und wenn jetz d'Jagdkapelle us eur'ne Boxe schallt
Mach luut
Chönd mir nur hoffe, dass eu Radio Waldrand gfallt
Juchu!

Wenn'd mal nöd verruse chasch und's der lan-gwilig isch
freut's d'Jäger, wenn'd mit tis uf Sendig bisch

Radio Waldrand!
Radio Waldrand!
D'Verschreckjäger mitenand
mer spilled mitenand
spiled alli Radio Waldrand!
Radio Waldrand!
Im ganze Wald bekannt
isch's Radio, wo entspannt,
Vo A bis Z brilliant